

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 28. Oktober 2019

Här President,

esou wéi d'Chambersreglement et virgesäit, bieden ech lech, dës parlamentaresch Fro un d'Madame Kulturminister weiderzeleeden.

Enn Juli 2019 ass et zu enger Iwwerschwemmung an engem vun den Depote vum Nationalarchiv komm. Elo, e puer Méint méi spéit, kann ee sécher scho méi iwwert de Schued, deen dobäi entstanen ass, gewuer ginn.

Dowéinst wéilt ech der Madame Kulturminister gär folgend Froe stellen:

1. Wat woren d'Ursaachen, déi zu dësem Tëschefall gefouert hunn? Ass d'Responsabilitéit hei gekläert?
2. Wéi séier ass de Schued bemierkt ginn a wéi séier konnt agegraff ginn? Wat gouf ënnerholl, fir d'Dokumenter a Sécherheet ze bréngen?
3. Wéi eng Reparaturmoosname goufe geholl, a gëtt dee betraffenen Depot weider vun den Archive benotzt?
4. Wéi vill Schued huet dës Iwwerschwemmung un de Bestänn vum Nationalarchiv verursaacht?
5. Kënnen eventuell betreffen Dokumenter nach restauréiert ginn?
6. Hunn Dokumenter missen ewechgehäit ginn? Wa jo, wéi vill a wéi eng?
7. Wéi eng Léier zitt d'Regierung aus dësem Tëschefall, besonnesch wat d'Sécherheet vun den Archiven ugeet?
8. Wéini kritt d'Chamber e Gesetzesprojet iwwert de Bau vun engem neie Gebai fir den Nationalarchiv virgeluecht?

Mat déiwem Respekt,



Fernand Kartheiser
Deputéierten